



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De duabus virginibus vndecim millium, quae per reuelationem sunt  
inuentae, & nobis donatae, cap. 86.

**urn:nbn:de:hbz:466:1-13177**

## LIBER OCTAVVS.

33

omnibus quæstionari quænam essent, vel quæ causæ foret visionis. Cui cùm diuersi diuersa responderent, ait vñus, diuinitus vt puto inspiratus; Puto eas fuisse sacras illas virgines, quæ de Colonia nobis allatæ, tanto tempore super testudinem talem à nobis neglectæ sunt. Statim accedentes ad scrinum, cùm nihil in eo reperissent, territi Abbatem miserunt Coloniam, ut illas reduceret. Veniens verò Coloniam, cùm Abbatissæ & conuentui rem per ordinem recitasset, atque easdem virgines in locis, vnde sublatæ fuerant reperissent. Abbati, vt sibi redderentur supplicant, totus conuentus respondit: Bene veniant nobis dilectissimæ domicellæ nostræ, bene veniant, certè ex quo vobiscum esse noluerunt, non eas illuc remittemus: datumque ei est caput cuiusdam alterius virginis, cum quo tristis repedauit. Adhuc puto eandem Friderindim viuere, & vix aliqua soror est in eadem ecclesia, quam tam iocunda lateat historia.

## CAPVT LXXXVI.

**S**VNT apud nos de eodem sacro collegio duæ sacræ virgines, etiam per reuelationes inuentæ. Domina Eufemia Abbatissa, quæ ante annos paucos defuncta est, cùm adhuc puella esset in scholis, duæ ei virgines in somnis apparuerunt, quæ sub extrema parte dormitorij, quod cellario continuum erat, se indignè iacere cōquestæ sunt. Illa, sicut puella, visum vt visum reputans, tacuit: postea cù esset adulta, secundò ei in loco eodem sub forma & habitu speciosissimarum virginum cingulo tenus apparuerunt; quasi dicerent: Exire de loco isto non possumus, nisi per te. Tunc memor primæ visionis, eā quæ potior videbatur, interrogauit, dices: Quod est nomē tuū? respōdit illa, Anastasia. Ab illo tempore Eufemia importunè cōuentui cōcepit suggestere, quatenus cellariū usq; ad finē dormitorij extenderet, dices sine ambiguitate, duas ibi virgines esse reperiendas; pollicebatur etiā, tres solidos cōmunib; expēs superadderet. Acquiesuit tandem cōuentus, & sicut mihi retulit Rēbodo Cōuersus noster, cui idē opus fuerat cōmissum, cùm ter-

552 DE DIVERSIS VISIONIBVS  
ra tota fuisse electa, in præsentia prædictæ sanctissimæ  
nialis, sub fundamento muri, sacra illa duo corpora  
sunt reperta, quæ illa, prius quam Abbatissa fieret, no-  
bis transmisit, & celebrata est de eis eodem die missa  
solemniter in conuentu. APOLLONIVS: Non putabam  
hactenus, tam efficaces esse visiones nocturnas. CESA-  
RIVS: Sæpe per ardentia luminaria corpora earum o-  
stenduntur, nec tamen eadem luminaria, ut aiunt, quis  
videre potest, nisi corpore sit virgo. Multa de huius  
modi visionibus Conradus Prior loci sanctæ Mariae  
dicere consueuit, quæ causa breuitatis omitto. APOL-  
LONIVS: Placetne sacris illis virginibus, quod sic ea-  
rum corpora per diuersas provincias diuiduntur? CESA-  
RIVS: Ad hoc se ostendere dignantur, ut in multis  
locis earum memoria habeatur.

CAPUT LXXXVII.

**H**omo quidam religiosus de ordine viatorum,  
cum apud quandam matronam Tuitensem  
hospitaretur, conquestus est illi, quod decem  
annis laborasset pro reliquis Sæctarum undecim mil-  
lium virginum, nec aliquis tamen ex eis posset obti-  
nere. Cuius ad hoc cum auxiliis implorasset, illa ho-  
mini compassa, ecclesiam earum adiit, sororibus pro-  
eo preces porrigit volens: cumque ad tumba unius  
virginis oraret, genu lapidi superposito, qui maximus  
erat, apponens manum tentauit, quod tamen fieri pos-  
se non sperauit: Mira pietas sacrarum martyrum, mor-  
vt imbecillis femina lapidem pressit modicu, ille ces-  
sit, adeò vt ea quæ intrus erant videret: quæ dum nul-  
lum adesse consiperet, manu immissa, quantum vo-  
luit, de ossibus tulit, dans ea viatori. Statimq; lapide,  
qui vix à sex viris absque instrumentis moueri pote-  
rat, eadem, qua prius facilitate, reuoluto, gratias san-  
ctis agens virginibus, læta rediit ad sua. Sanctorum a-  
nimæ, licet semper vultum contemplentur diuinum,  
habent tamen respectum ad corpora sua, & cum vide-  
rint nos deuotos circa illa, multū in hot delectantur.

64